

JAIME ARANGO: "TARIN MANSELL TIN TUR E CUALIDADNAN PA SER UN MISS UNIVERSE"

** Tambe DEN AMBIENTE a probecha di realiza un entrevista cu e maestro diseñador Jaime Arango, kende a declara cu e ta sumamente satisfecho con Tarin Mansell ta cumpliéndose cu su programa tan extensivo cu yen di entusiasmo.

Jaime ta expresa cu apesar cu e tempo ta relativamente corto, tog nos Miss Aruba a responde perfectamente durante e programa extensivo. Tarin Mansell a progresa inmensamente den tur campo, e popular diseñador ta afirma.

Jaime ta sigui amplia cu Tarin Mansell ta un belleza hopi responsable y disciplina, cu tin un amor grandi pa representa nomber di su isla natal Aruba lo mas digno cu ta posible durante e certamen di Miss Universe.

Ta pesey actualmente Tarin Mansell ta trahando duro cu hopi lucha y sacrificio na Medellin, Colombia, na unda for di mainta tempran 6or, e ta cumpliéndose cu su programa cu un disciplina stricto, asina Jaime a enfatisa.

Jaime ta relata cu anochi e ta laga Tarin lesa hopi y tambe e ta lage waak videonan di varios certamen di Miss Universe, pa asina e por haya un idea mas bibo di locual e certamen ta ensera.

Jaime ta sigui bisa cu for di mainta tempran 6or, Tarin ta inicia cu un entusiasmo grandi cu gimnasia, pasarela, locucion (speech), maquillaje y tambe con pa peña su cabei, ya cu durante e certamen di Miss Universe, ta e propio candidata mes tin cu prepara nan mes optimalmente. Pues loke nan kier logra, ta nan mes tin cu traha pe.

Jaime ta splica cu un candidata mester ta hopi



conciente cu durante e certamen di Miss Universe, no ta e belleza so ta importante, pero tambe e actitud y comportacion di e candidata ta mas importante.

TARIN TIN TUR

CONDICION.

Tambe Jaime a declara loke e ta pensa di Tarin Mansell, kende pa su persona tin tur e condicionnan pa representa Aruba dignamente. Pero semper bo

Dia 30 di Maart proximo na Corsow..


E PRINCIPE DI CADANCE LUC LEANDRY DEN CONCIERTO...

** For di nos gran amigo Mocky Job di hermana isla Corsow, nos a ricibi un disco compacto di LUC LEANDRY concidera como e Principe den e musica contagioso cu ta "ZOUK/CADANCE".

Ta trata di un tremendo produccion cu ta contene 8 pieza "hot hot" di e sabroso musica "zouk/cadance". Segun DEN

AMBIENTE por a compronde for di e dinamico promotor/empresario, cu e CD aki a logra di cosecha un exito mahos na Corsow, cu a pone busca e fenomenal artista aki inmediatamente pa un concierto.

E concierto lo tuma lugar diasabra otro siman dia 30 di Maart den Curacao Festival Center, na unda e dos bandanan mas popular di Corsow, E.R.A. y Gibi i Orquesta lo ta riba tarima



tin cu tene cuenta cu suerte ta hunga un rol grandi den e certamen di Miss Universe, Jaime ta enfatisa.

"Tarin ta un dama cu un belleza exotico, den su tipo bruin cu ta dificil pa haya un belleza manera Tarin, kende ademas ta dispone di un rostro hopi interesante. Loke tambe ta hopi importante pa un concurso di Miss Universe, ta cu Tarin ta un belleza hopi suave, delicado cu tur ora ta keda calmo. "Tur esakinan combina cu su actitud positivo ta bay hunga un rol hopi importante durante e certamen, na momento cu e tin cu comporta su mes riba escenario y na momento cu e ser entrevista, asina e maestro diseñador kende tin hopi experiencia den varios certamennan di Miss Universe, ta analisa nos Miss Aruba, Tarin Mansell.

MI TA TRAHA EXCLUSIVAMENTE PA ARUBA.

Na final di e entrevista Jaime Arango a declara na DEN AMBIENTE cu e aña aki e ta traha exclusivamente pa Miss Aruba, Tarin Mansell.

Pues e no ta traha cu Miss Colombia, cual ta su propio pais cu na varios ocasion el a sa di prepara. Na aña 1993 Jaime Arango a prepara Miss

Colombia, Paula Andrea Betancourt, kende tabata e gran favorito y a logra di sali como prome finalista di Miss Universe 1993.

"Mi ta kere cu un certamen di Miss Universe tin un credibilidad grandi y ta un logro historico pa cualquier pais, ta pesey mi ta tuma e responsabilidad aki masha na serio y ta dedica mi tempo na un solo candidata cu e biaha aki mi a tuma e desicion pa bay purba mi suerte cu Miss Aruba, Tarin Mansell. Si Aruba logra di conquista e titulo, cual lo ta algo pa prome biaha den historia, lo mi sintimi hopi orgulloso, ya cu mi tambe a forma parti di e equipo triunfador.

Pues esaki ta algo masha importante pa mi den mi carera como diseñador y preparador di un candidata pa e certamen di Miss Universe", un Jaime Arango sumamente optimismo y honesto a expresa na DEN AMBIENTE.

Jaime Arango ta finalisa cu e entrevista telefonico aki, afirmando cu e tin hopi confianza den e cualidadnan di Tarin Mansell, kende sigur lo bay realiza un bunita papel y lo representa Aruba su nomber cu tur honor durante e magno certamen di Miss Universe 1996..

hunto cu Luc Leandry y su banda musical. Esnan cu ta interesa pa disfruta di e concierto aki, e ticketnan lo ta na razon di 30 florin.

For di nos amigo y colega Giovanni Atalita, nos por a compronde cu tin un gran interes pa e concierto aki, cual ta priminti di bay resulta den un exito grandi. Mientras tanto awe

durante e programa di DEN AMBIENTE na Radio Galactica entre 12or pa 2or di merdia, por disfruta di algun di e piezanan y tambe un entrevista cu Mocky Job. Tambe dialuna awor durante e programa "Noche Caribeño" na Radio Galactica entre 10or pa 12or di anochi, DEN AMBIENTE lo los mas di e piezanan di e fenomenal artista Luc Leandry, cual sigur lo bay cay na agradi di un i tur....